

PAGINA DI ANTAÑO

Recordando

SUGAR BOY NANDO

Repasando den nos archivo unda nos tin gratos recuerdos graficos, di atletanan y personahes cu a laga atras comentarionan vivo, nos a topa cu nos campeon antillano SUGAR BOY NANDO. Pesey ta bon pa recorda su bon tempo, y trece adilanti un biaha mas dos di su combatenan cu no por ser lubida, den nos emocionante mundo di boxeo. Despues di e fulminante k.o. cu el a ricibi como amateur for di Kid Peligroso, Nando a bira e idolo di nos, y tur cu kier a enfrente e tabata sa di tene Aruba na top cu su truinfonan. Di tur su peleanan, esnan cu ainda ta trece su emocion den nos memoria tabata e dosnan cu nos tin e graficonan cu ta hunto den e pagina aki. Wim Snoek di e peso mas halto cu Nando a ricibi un señor paliza aunke despues Snoek a bay pa floer Johansson cu a bira campeon mundial den pesos completo. E otro tabata Andreas Selva di Argentina, cu tabatin pegada fuerte, pero esaki tambe a keda venci pa nos idolo Sugar Boy Nando. Y asina nos ta recorda nos campeonnan.

